

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Disp. III. De circunstantiis humanorum actuum

[urn:nbn:de:hbz:466:1-78232](#)

DE CIRCUNSTANTIIS HUMANORUM ACTUUM.

135

bonitatem ac meritum clarè & distinctè repræsentat: quamvis autem agere per modum naturæ primo modo, sit maxima imperfæcio, & conueniar brutis, quæ non le movent in finem, sed moventur ab authore naturæ; agere tamen per modum naturæ secundo modo, summa perfæcio est, soli naturæ intellectuali propria, & Deo conveniens in operationibus ad intra. Unde Hilarius, Damascenus, & alii SS. Patres, vocant generationem Verbi Divini, *opus naturæ*, non quod ab ipsa natura divina immediate procedat, sed quia est ab intellectu ut naturaliter operante. Et ideo etiam D. Thomas supra citatus docet productionem Spiritus Sancti esse à voluntate, non ex voluntate, sed ut natura est.

Ex his abundè satisfactus, puto præcipuis Junieni & Vincentii Lenis argumentis: unde de illis verè dicam, quod dixit in simili Claudius Mamerius lib. I. de statu animæ cap. 11. Vide quā parvō negotiō veritatis calor frigentium verborum priuinas liquefecerit.

DISPUTATIO III.

De circumstantiis humanorum actuum.

Ad questionem 7. D. Thome.

CONSIDERATA ratione voluntarii & involuntarii, quæ pertinet ad essentiam humanorum actuum, agit D. Thomas de quibundam accidentibus, quæ illos quasi vestimenta & circumstantia, & ideo circumstantia appellantur. Nulla autem circa hanc questionem sepe offert celebris controversia: unde in ejus expositione diu non erit immorandum.

ARTICULUS UNICUS

Quid, & quæ sint circumstantiæ humanorum actuum?

Dico primò: Circumstantias esse quædam accidentia actuum humanorum. Probatur ratione D. Thome hic art. I. Quod extra essentiam actus, & tamen ipsum aliquo modo attingit, dicitur ipsius accidens: Atque circumstantiae attingunt actum humanum, & sunt extra essentiam ejus: Ergo sunt accidentia ipsius. Major pater, Minorem explicat D. Thomas, dicens nomen circumstantiæ desumti ex metaphorâ loci: sicut enim locus est extra essentiam corporis locati, & tamen ipsum attingit aliquo modo, ideoque dicitur ipsum ambire & circumstare; ita similiter circumstantia actus humani debent esse quædam conditiones extra essentiam actus, ipsum tamen attingentes vel sufficientes.

Dices: Vel hujusmodi conditiones intelliguntur esse accidentia respectu actus consideratio esse physico, vel in esse moris? Si primum, omnis moralitas pertinebit ad circumstantiam, & nulla erit qua tribuat speciem actui humano ingenio virtutis aut virii, quia comparatione ad esse physicum omnis moralitas accidens est. Silecundum, contra est, quia multæ circumstan-

tiae dant speciem essentialiæ actui in esse moris; nam circumstantia loci mutat speciem ejus moralis, ut homicidium, vel adulterium in loco sacro, constituit sacrilegium; circumstantia etiam personæ mutat ejusdem speciem, v.g. si sit cum soluta, est fornicatio; si cum conjugata, adulterium; si cum consanguinea, incestus: Ergo falsum est quod circumstantiæ sint accidentia respectu actus humani in esse moris considerati.

Respondeo quod circumstantiæ, quæ in praesenti considerantur à Theologis, non sunt circumstantiæ & accidentia ipsius actus solum in esse naturæ considerati, sed etiam actus ut voluntarii, & humani, seumoralis; ita quod in linea morali, & non solum in linea entitativa, aliiquid se habeat per modum essentiæ & quidditatis, aliud per modum circumstantiæ & accidentis: sicut in furto hoc quod est rapere alienum, se habet per modum essentiæ; sed quod bonum alienum sit magnum, vel parvum, quod rapiatur in loco sacro, vel prophano, se habet per modum circumstantiæ & accidentis. Unde ad rationem in contrarium dicendum est, quod circumstantiæ sunt accidentiales conditiones etiam respectu actus moralis, quando munus & officium circumstantiæ exercent; si vero non exerceant formaliter rationem circumstantiæ, sed transcant in conditionem objecti, vel in rationem differentiæ contractivæ moralitatis, non se habent per modum conditionis accidentalis actus humani & moralis, sed pertinent ad specificativum essentialiæ ipsius actus, ut contingit in exemplis adductis.

Dico secundò: Septem tantum esse circumstantias humanorum actuum, hoc versu contentas:

Quis, Quid, Vbi, Quibus auxiliis, Cur,

Quomodo, Quando.

Probatur primò ratione D. Thome hic art. 3. Circumstantiæ sunt accidentia quæ attingunt quodammodo actus: Sed possunt ipsum attingere tripliciter. Primo afficiendo ipsius substantiam intrinsecè vel extrinsecè; & tunc est circumstantia *Quomodo*, vel *Vbi*, vel *Quomodo*. Secundo ipsum afficiunt ex parte causa, & hoc adhuc tripliciter, sicut potest esse triplex causa; una nempe est causa finalis, & ita est circumstantia *Cur*, altera est efficiens principalis, & ita est circumstantia *Quis*, tercia est causa instrumentalis, & sic fit circumstantia *Quibus auxiliis*. Tertiò ipsum actum attingunt ex parte effectus, & tunc est circumstantia *Quid*. Porro nulla alia circumstantia excogitari potest, quæ ad istas non reducatur: nam circumstantia *Quoties*, quæ ab aliis quibus ponitur, non est propriæ circumstantia, sed numerus actuum qui diversam substantiam materialiter facit; unde numerus semper considerandus est in peccatis, ut definit Tridentinum self. 14. quamvis circumstantiæ non sint semper declarandas: Ergo septem tantum sunt circumstantiæ humanorum actuum, prædicto versu contentas.

Probatur secundò conclusio, explicando singulas circumstantias in particulari. Circumstantia *Quis*, non substantiam personæ quæ agit, sed qualitatem conditionemque illi adjunctam significat; ut si sit saecularis, vel clericus, conjugatus, vel solitus; voto adstrictus, vel non, persona particularis, vel communis; hæc enim omnia aggravant aut minuunt malitiam peccati, vel aliquando mutant speciem. Similiter circumstantia *Quid*, non denotat substantiam ipsius effectus,

effectus, sed aliquid accidens illi adiunctum: A
Nam quod aliquis perfundens aliquem aquam, ablat
ipsum, non est circumstantia ablutionis, sed quod ablu-
endo infrigidet, vel calcificat, & sanet, vel noceat, hoc
est circumstantia, inquit D. Thomas hic art. 3. ad 3.
Circumstantia *Vbi* exprimit locum in quo sit ac-
tio; qui si sit publicus, reddit peccatum publicum & scandalosum; si facer, facit illud esse sac-
rilegium, & Deo specialiter injuriosum, quia
domum Dei decet sanctitudo. Circumstantia *Quibus auxiliis*, significat instrumenta seu media
quibus operans utitur: v. g. si quis utitur auxil-
lio infidelium ad aliquod bellum, si incantatio-
nibus magicis, si ope Daemonum; illa praebeat
speciem malitia distinctae. Circumstantia *Cur*
designat finem, non intrinsecum & qui se tenet
ex parte operis (hic enim pertinet ad assentiam) sed
extrinsecum, & ab ipso operante intentum,
ut si quis furetur propter adulterium, vel det e-
leemosynam propter vanam gloriam. Circum-
stantia *Quomodo*, explicat modum quo actus fit,
nempe tardè vel velociter, intensè vel remissè;
& haec circumstantia communiter non mutat
speciem, sed tantum modifacit actum. Ultima
denique circumstantia, scilicet *Quando*, signifi-
cat tempus, in quo duo considerantur, scilicet
qualitas temporis, & quantitas; qualitas, ut si
sit dies festus, & quis non audiat missam, vel fa-
ciat opus servile; quantitas vero, ut si actus
multum vel parum duret; si enim sit diurnitas
valde notabilis, aggravatur notabiliter pec-
catum, non tamen mutatur species. De quo
infra, cum agemus de bonitate & malitia a-
ctuum humanorum.

DISPUTATIO IV.

De simplici volitione.

Ad questionem 8. D. Thome.

EXPLICATIS conditionibus generalibus
actuum humanorum, quæ sunt ratio vo-
luntarii, ac liberi, & circumstantie in com-
muni, exponit S. Doctor singulos actus huma-
nos in particulari, incipiendo ab illis qui sunt
circa finem, & progrediendo in alios qui ver-
santur circa media. Primus autem voluntatis
actus circa finem, appellatur *voluntas* (nomine
potentiae illi appropriato, sicut prima principiorum
cognitio nuncupatur *intellectus*) vel *simplex volitus*,
quia habet objectum omnino simplex, nempe finem sumptum præcisè secundum se;
cum aliis actus posterioribus, vel resipient finem
in ordine ad media, ut intentio, vel media cum
respectu ad finem, sicut electio, consensus, & au-
sus, atque ita non habeant objectum simplex,
sed aliquo modo duplicatum. Licet autem D.
Thomas de simplici volitione in hac questione
principaliter intendat differere, plura tamen
admiscerit de ipsa potentia volitiva, quia ex-
ata hujus notitia ita requi-
rit.

ARTICVLVS I.

An objectum voluntatis, aut simplicis voliti-
onis, sit solum bonum, vel indifferens ad ba-
num & malum?

LICET omnes ferè Theologi & Philosophi
tanquam generale principium, ab omnibus
sapientibus admisum, recipiant, voluntatem
non esse nisi boni, & omnia bonum appetere:
sunt tamen aliqui Nominales, qui putant vo-
luntatem posse fieri in malum, sub ratione mali,
& ita ad æquum ipsum objectum non esse bu-
num, sed indifferens ad bonum & malum. Scru-
tus etiam in 1. dist. 1. quaest. 4. aliusque in locis,
circa hoc videtur auctus & dubius, atque non
esse sufficienter hucusque probatum, quod vo-
luntas non possit odio habere bonum, & velle
malum sub ratione mali.

S. I.

Conclusio negativa statuitur.

Dico tamen: Solum bonum, ut abstrahit à
vero vel apparenti, esse objectum voluntatis,
seu simplicis volitionis: unde licet voluntas
affectu prosecutionis possit fieri in bonum al-
iquid apparet, quod revera malum est, non ta-
men in malum cognitum ut tale.

Probatur primò ex Aristotele qui i. Ethic. cap. 1. tanquam fundamentum totius moralis
scientiae ponit illud principium: Bonum est quod
omnia appetunt: Sed illud est falsum, si voluntas
affectu prosecutionis possit fieri in malum,
sub ratione mali, & si ejus objectum esset aliquid
abitrahens à bono & malo: Ergo &c.

Confirmatur ex SS. Patribus: Dionysius et
nim cap. 4. de divin. nominibus, docet quod
malum est præter voluntatem, & quod omnia
bonum appetunt, ut refert D. Thomas hic art.

Din argumento *sed contra*. Et Augustinus in En-
chir. cap. 86. sic ait: Beatus esse voluntas: & miseri
non solum esse nolumus, sed neque velle possumus. At-
tem Boëtius 4. de consolat. profa 2. Omnes (in-
quit) homines, boni pariter ac mali, indiscreti in
tentione ad bonum perirentur.

Respondent Nominales, Aristotelem & SS.
Patres, nomine boni & mali intellectus eidem
quod appetibile & odibile.

Sed haec interpretatio absurdita est: nam in
hoc sensu Aristoteles & SS. Patres locuti effici-
nugatoria esset eorum locutio: cum enim dic-
unt solum bonum esse appetibile, & solum
malum odibile, sensus efficit, solum appetibile
esse appetibile, & solum odibile esse odibile.

Probatur secundò conclusio: De potentia
volitiva, & illius actibus, eo ferè modo, propor-
tione servata, philosophari oportet, quod de in-
tellectiva, & operationibus ejus: Sed objectum
ad æquum intellectus est ens ut verum, non
vero ens ut abstrahens à vero vel fallo: Ergo po-
riter objectum ad æquum voluntatis, subin-
deque prima operationis illius, erit ens ut ho-
num, non vero ut abstrahens à bono & malo, ut
à convenienti & inconvenienti. Unde sicut in-
tellectus non potest assentiri fallo, nisi sub ra-
tione veri; ita nec voluntas potest prosequi ma-
lum, nisi sub ratione boni, seu ut velut tum boni-
tate aliquā, vera, vel apparente.

Pro-